

Sistem da preavertimaint pella via Scuol – S-charl

Daplü sgürezza cunter boudas potenzialmaing mortalas

Evenimaints fin uossa

Illa Val S-charl daja boudas da vegl innan. Boudas sun ün masdügl da sablun, gera, crappuns, laina ed aua. Ellas culan aval cun gronda sveltezza e pon chaschunar gronds dons.

Ils ons 2015, 2017 e 2018 haja dat temporals intensivs illa Val S-charl. Els han chaschunà boudas chi'd han sepuli la via in divers lös.

Per furtüna ingün nun es gnü ferì o ha pers la vita sün quista via fich frequentada. Varsaquants üttilisaders da la via però d'eiran bloccats pervi da las boudas. Per part nun esa stat pussibel da tils evacuar amo quel di.

Prognosa ed avertimaint

Plü intensivmaing chi plouva illa Val S-charl d'ürant ün tichert temp e plü grond chi'd es il privel cha boudas sepulischan la via tanter San Jon e S-charl.

Per incumbenza dal cumün da Scuol observa MeteoSchiweiz il svilup da la situaziun a regard temporals illa Val S-charl infra las prosmas uras, quai cun agüd d'ün radar da plövgia special.

Lapro vain stimada la quantità da la plövgia chi crodarà d'ürant ün tichert temp. Cur cha la quantità tenor prognosa surpasa ün tichert limit survain l'organisaziun cumünala da piket ün avertimaint per SMS.

Barrieras

Il traget periclità vain serrà cun barrieras teleguidadas a San Jon ed aint in S-charl.

Glüms d'avertimaint

Glüms d'avertimaint vegnan activadas. Pro mincha barriera as rechatta üna tala glüm, 6 ulteriuras sun posiziunadas sül traget tanter las barrieras. Ellas signaliseschan il lö d'uschedittas «zonas d'aspet sgüras».

SMS

Chi chi ha abunà il servezzan d'infuormaziun per SMS dal cumün da Scuol survain ün'infuormaziun cuorta davart la serrada da la via (vair «Infuormaziun»).

Responsabilità persunala

Temporals intensivs chi pon chaschunar grondas boudas daja illa Val S-charl impustüt dal principi da gün fin la fin d'october. Il «Sistem da preavertimaint Val S-charl» es activ perquai be d'ürant quists mais da stà. Quai vuol dir: L'organisaziun da piket es preparada be d'ürant quists mais da serrar preventivmaing il traget periclità schi fa dabsögn.

D'ürant l'ulteriur temp sun responsabels ils üttilisaders da la via da valüter ils privels tras evenimaints natürels e d'agir correspunden-tamaing.

Masüras


L'organisaziun da piket examinescha – in basa a l'avertimaint – la situaziun da privel locala.

Ella piglia – sch'ella vain a la conclusiun cha l'attività da temporals po chaschunar boudas potenzialmaing mortalas chi sepulischan la via – differentas masüras preventivas:

- Ella serra duos barrieras.
- Ella activescha glüms d'avertimaint.
- Ella trametta ün SMS.



Boudas
Val S-charl,
29 lügl 2017



**CUR CHA LA GLÜM D'AVERTIMAIN
ES ACTIVA: ILLA VAL S CHARL ES
DA SPETTAR PROSMAMAING / HA
CUMANZÀ ÜN TEMPORAL INTENSIV.**



**QUIST TEMPORAL PO CHASCHUNAR
BOUDAS POTENZIALMANG MORTALAS
CHI SEPULISCHAN LA VIA.**



CUMÜN DA SCUOL



Amt für Wald und Naturgefahren
Uffizi da guaud e privels da la natira
Ufficio foreste e pericoli naturali

Tanter las barrieras ...



Id es pussibel cha El/Ella es in viadi ün di tanter San Jon e S-charl precis in quel mumaint cha l'organisaziun da piket serra las barrieras ed activescha las glüms d'avertimaint.



Il privel ch'üna bouda Til/Tilla tschüffa sül traget es uossa fich grond!



... zonas d'aspet sgüras



Subit ch'El/Ella vezza üna glüm d'avertimaint activa: Ch'El/Ella as ferma e resta pro quista glüm!



La prosma vicinanza da la glüm d'avertimaint es üna zona d'aspet sgüra. El/Ella e Seis veicul sun sgürs in quist lö da boudas potenzialmaing mortalas.

El/Ella mai nu das-cha bandunar quista zona intant cha la glüm d'avertimaint es activa!

Controlla

Subit cha'l temporal s'ha calmà vain controllada la via. Las glüms d'avertimaint vegnan deactivadas scha la via es transibla e scha'l privel es passà. El/Ella po as metter darcheu in viadi.

Salvamaint



Scha las glüms restan activas vuol quai dir cha la via nun es plü transibla.



Ch'El/Ella resta aint illa zona d'aspet sgüra! I's farà tuot per Til/Tilla deliberar il plü svelt pussibel our da Sia situaziun dischagreabla.



Schi fa dabsögn d'evacuar ütliaders da la via restan activas las glüms d'avertimaint fin cha l'evacuaziun es terminada.

Infuormaziun



Aint in S-charl

Sch'El/Ella es aint in S-charl, e la barriera teleguidada as serra: Pro l'hotel Mayor as survain infuormaziuns davart la situaziun actuala e'l svilup da la situaziun.




Per SMS

Voul El/Ella surgnir ün SMS cur cha'l cumün da Scuol serra la via per ir aint in S-charl e tilla driva darcheu? Ch'El/Ella trametta ün SMS cul text START 7550 al numer 076 601 22 55 per abunar quist servezzan.

Sch'El/Ella nu vuol surgnir plü ingüns SMS es da trametter ün SMS al numer 076 601 22 55 cul text STOP 7550.

Survista (purtret schematic)



— Traget periclità (lunghezza var 7 km)

➔ Boudas potenzialmaing mortalas



Glüms d'avertimaint



Barrieras automatisadas



Zonas d'aspet sgüras 1-6

Ulteriuras serradas

La via Scuol – S-charl vain serrada cullas barrieras teleguidadas in San Jon e S-charl be schi sun da spettar boudas.

La via po esser serrada plünavant pels seguaints motifs:

- intransibilità (dons vi da la via, lavurs da fabrica, lavurs da rumida davo boudas, crodadas da crappa o lavinas)
- serrada preventiva (periodas da plövgia plü lungas, privel da lavinas)
- serrada d'inviern

In quists cas vain serrada la via a man, e las glüms d'avertimaint nu vegnan activadas. I vain però tramiss ün SMS chi infuorma davart la serrada.

Ulteriuras infuormaziuns davart la situaziun da privel e davart il sistem da preavertimaint Val S-charl

Cumün da Scuol

+41 81 861 27 20 www.scuol.net

Uffizi da god e privels da la natüra dal Grischun

+41 81 257 50 93



Informationen in Deutsch
Information in English



CH'EL/ELLA RESTA PRO QUISTA TABLA INTANT CHA LA GLÜM D'AVERTIMAIN ES ACTIVA! QUIST LÖ ES SGÜR DA BOUDAS.